

BANDIU PA' LA STAMPA: PRUGGJETTU "LINGHI IN CAMINU" CUMUNI LOCUSANTU

Sighi l'attivitai di valorizzazioni di li linghi di lu locu, illu Cumuni di **Caragnani, Aglientu, Locusantu, Sant'Antoni, Telti e Tempiu**.

Grazii a lu pruggjettu nou, di 3 anni, "**Linghi in caminu**", torra a paltí l'attivitai di lu spulteddu linghisticu cu' una programmazioni ambiziosa, cunfilmendi l' impignu incuminciatu illu 2021, pa' galdà la Linga Gadduresa.

L'attivitai, finanziata da la **Riggjoni Autònoma di la Saldigna** pal mezu di lu bandiu **TuLiS** (Annualitai 2025-2026-2027), cu' la L.R. nr. 22/18 e L.R. nr. 6/12, à com'e scoppu chissu di prummuí lu **bilinguismu** illu tarritoriu. Grazii a l' impustazioni noa di 3 anni, sarà appustata una programmazioni ancora piú strutturata e sprunanti pa' la cumunitai intrea.

Li prinzipali tretti di intalventu:

- **Silvizi di Ufficiu Linghisticu:** L'attivitai di l'oparadori appiú arà a esse chissu di **traducí atti amministrativi e bandi pubbrichi**, ma podarà esse d'aggjutu, pal mezu di l'attivitai di **front office**, a chissa palti di la cumunitai chi ani lu bisognu, la curiositai o lu piaceri di cunfruntassi innantu a tematchi linghistici e culturali liati a la storia di chistu tarritoriu.
- **Fulmazioni:** Venarani fatti **scoli di fulmazioni linghistica**, innant' a li reguli oltugrafichi, gramaticali e sintattichi di lu **Standard Gadduresu**. Li scoli sarani abbalti a l'oparadori cumunali pa' putinzià li silvizi di **bilinguismu**, ma sarani abalti mattessi a a li **scoli** e ancora **a tutti chissi, chi li volarani sighí**.
- **Cultura e Scola:** Li **Santuari riligiosi e di li gjesgi rurali** so lu cori di li pruggjettu, sendi 'isti com'e galdiani di la mimoria storica. So in programma **laboratori di scrittura e "storytelling" illi scoli** pa' accapità tradizioni e usi di lu locu. Lu pruggjettu vidi ancora eventi **"itineranti"** in tutti li cumuni di lu pruggjettu, com'e una **mustra fotografica in italianu e gadduresu** e **visiti ghidati illi santuari fatti in lingua gadduresa**.

Infulamzioni e cuntatti:

L'orariu d'abbaltura di l'Ufficiu Linghisticu di lu **Cumuni di Locusantu**, sarà tutti **li gjoj, da li 3 a li 5 di sirintina**, illa **Biblioteca Cumunali**, in carrera Dante Alighieri.

Pa' cassisia alta infulmazioni, l'oparadori linghistici podarani esse agattati scriendi una mail a: **sportellolinguisticoriviera@gmail.com** o innantu a la pagina Facebook: **Istituto Chircas**.

Pruggjettu "Linghi in Caminu" - annualitai 2025 -2027 - Finanziatu da la Riggjoni Autònoma di Saldigna cu' lu Bandu TuLiS L.R. nr. 22/18 e L.R. nr. 6/12 - Sigutu da l'Istituto Chircas.